



ELEKTROPRIVREDA BOSNE I HERCEGOVINE d.d.
POSREDOVANJE
PRIMLJENO 20-03-2020
BROJ PROTOKOLA 5049/2020
ORGANIZACIJSKA JEDINICA 02-3-6 PRILOG

Sarajevo, 18-03-2020  
Broj: 02- 2128 /20

Na osnovu članova 69. i 70. Zakona o javnim nabavkama BiH („Službeni glasnik BiH” broj 39/14), člana 95. Statuta JP Elektroprivreda BiH d.d. - Sarajevo broj: SD-5211/16-38/2. od 29.03.2016. godine i broj: SD-18295/18-51/5. od 19.07.2018. godine, te člana 4. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva-Prečišćeni tekst-broj: 06-6522/18 od 05.03.2018. godine i broj U-01-22653/19-258/31. od 07.08.2019. godine, v.d. Izvršni direktor za proizvodnju, na preporuku Komisije za javne nabavke, d o n o s i

## O D L U K U

### o poništenju postupka javne nabavke

#### Član 1.

U skladu sa članom 69. stav (2) tačka d) ZJN BiH poništava se postupak nabavke po Konkurentskom zahtjevu za dostavljanje ponuda uz korištenje e-aukcije broj 2000027723 koji se odnosi na Održavanje klima uređaja za potrebe Podružnice Termoelektrana „Kakanj“, Kakanj, jer nijedna od primljenih ponuda nije prihvatljiva.

#### Član 2.

Ovu Odluku objaviti na internet stranici JP EP BiH, u skladu sa članom 70. stav (6) Zakona o javnim nabavkama BiH.

#### Član 3.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke, istu dostavi ponuđačima i time ih obavijesti o rezultatima postupka javne nabavke.

### O b r a z l o ž e n j e

Postupak nabavke pokrenut je Odlukom o pokretanju postupka broj: 02-3-63-19129/19 od 19.11.2019. godine po konkurentskom zahtjevu za dostavu ponuda u skladu sa članom 88. Zakona o javnim nabavkama.

Ugovorni organ je objavio obavještenje za Konkurentski zahtjev broj: 1424-7-2-378-3-543/19 na Portalu javnih nabavki dana 02.12.2019. godine i izvršio objavu na web stranici JP EP BiH. Komisija za javne nabavke imenovana Odlukom Direktora Podružnice Termoelektrana "Kakanj" Kakanj je blagovremeno dostavila Zapisnik o zaprimanju ponuda i Zapisnik sa otvaranja ponuda po Konkurentskom zahtjevu za dostavu ponuda broj 2000027723.

Iz navedenih Zapisnika proizilazi da su u predviđenom roku pristigle tri (3) ponude koje su blagovremeno zaprimljene, i to:

- UO „DELTA – THERM” Kakanj
- E-STROM d.o.o. Sarajevo
- MANECO d.o.o. Kakanj

Na Odluku broj 02-3-72-985/20 od 17.01.2020. godine, kojom je kao najpovoljniji izabran ponuđač E-STROM d.o.o. Sarajevo, uložena je žalba od strane ponuđača MENEKO d.o.o. Kakanj.

Komisija za javne nabavke Ugovornog organa utvrdila je da je gore pomenuta žalba neosnovana, ista je prosljeđena je URŽ-u, zajedno sa Izjašnjenjem Ugovornog organa, a postupak javne nabavke je obustavljen do donošenja odluke URŽ-a.

Dana 03.03.2020. godine, na Protokol Podružnice Termoelektrana „Kakanj“; Kakanj zaprimljeno je Rješenje URŽ-a broj JN2-03-07-1-289-8/20 od 27.02.2020. godine kojim se žalba žalioaca Maneco d.o.o. Kakanj usvaja.

Ponovnom ocjenom ponuda, a uzimajući u obzir činjenice utvrđene u Rješenju URŽ-a broj JN2-03-07-1-289-8/20 od 27.02.2020. godine, Komisija za javne nabavke je, u Zapisniku o pregledu i ocjeni ponuda od dana 11.03.2020. godine, kvalifikacijom ponuđača i rezultatima kvalificiranosti, utvrdila da su sva tri ponuđača dostavila uvjerenje/certifikat o završenoj obuci za stručnu osobu koja će biti angažirana na održavanju klima uređaja, i to :

- ponuđač E-STROM d.o.o Sarajevo dostavio je uvjerenje/certifikat o završenoj obuci za stručnu osobu koja će biti angažirana na održavanju klima uređaja, izdat od strane pravne osobe KM SOLUTION d.o.o. Sarajevo,
- ponuđač MANECO d.o.o. Kakanj dostavio je uvjerenje/certifikat o završenoj obuci za stručnu osobu koja će biti angažirana na održavanju klima uređaja, izdat od strane pravne osobe MAŠINSKI FAKULTET d.o.o. Sarajevo,
- ponuđač UO "DELTA-THERM" Kakanj dostavio je uvjerenje/certifikat o završenoj obuci za stručnu osobu koja će biti angažirana na održavanju klima uređaja, izdat od strane pravne osobe DELTRON d.o.o. Sarajevo.

Međutim, iz priloženih uvjerenja se ne može utvrditi da li su pravne osobe koja su izdale uvjerenje/certifikat (KM SOLUTION d.o.o. Sarajevo, MAŠINSKI FAKULTET d.o.o. Sarajevo i DELTRON d.o.o. Sarajevo) ovlaštene vršiti obuke iz oblasti servisiranja, održavanja, puštanja u pogon i rukovanja opremom iz proizvodnog i prodajnog programa proizvođača klima uređaja, rashladnih mašina i VRF sistema za klimatizaciju, a prema popisu koji je naveden u tehničkoj specifikaciji (LG, Vivax, Midea, Beko, Fujitsu, Gorenje, Samsung, Estera Boerka, Carrier Marco, Daikin, Hidria i Ciat). Naime, svaka pravna osoba koja vrši obuku i izdaje certifikat o završenom školovanju iz oblasti servisiranja, održavanja, puštanja u pogon i rukovanja opremom iz proizvodnog i prodajnog programa proizvođača, mora imati ovlaštenje proizvođača, jer navedenu obuku i izdavanje certifikata ne mogu vršiti pravne osobe po svom slobodnom nahođenju, niti se takvi certifikati mogu prihvatiti kao valjani i validni.

Na osnovu gore navedenog, ponuđači nisu ispunili zahtjev tražen tačkom 2.2 c) tenderske dokumentacije, zbog čega je donesena odluka kao u dispozitivu.

#### **Pravna pouka:**

Protiv ove Odluke može se izjaviti žalba JP Elektroprivreda BiH Termoelektrana "Kakanj" Kakanj, u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.

Dostaviti:

- Ponuđačima
- Sektoru za ekonomske poslove
- a/a



v.d. Izvršnog direktora za proizvodnju

Senad Sarajlić